

Вход во храм

Пресвятая Владычица наша Богородица и Приснодевы Марии

На Велицей вечерни:

Стихологисуем Блажен муж, первый антифон.

На Господи воззвах, стихиры на 8, глас 1: Подобен: «О дивнаго чудесе»!

1. Стих: Из глубины воззвах к Тебе, Господи, / Господи, услыши глас мой.

2. Стих: Да будут уши Твои / внимлюще гласу моления моего.

Днёсь вернии ликовству́им, / во псалмех и песнех Господеви пою́ще, / и чту́ще
Того священную сень, одушевлённый киво́т, / невместимое Сло́во
Вместившую: / приводится бо Господеви, паче естества плотию
младёнствующи, / и святитель великий Захариа приемлет с весéлием Сию, //
яко Божие жилище. **[Дважды.]**

3. Стих: Аще беззакония назриши, Господи, Господи, кто постоит; / яко у
Тебе очищение есть.

Днёсь храм одушевлённый / святых славы Христа Бога на́шего, / едина в
женах Благословенная Чистая, / приводится в храм законный жи́ти во
святых: / и радуются с Нею Иоаким и Анна д́ухом, / и девственнии лица
Господеви поют, псаломски воспева́юще, // и чтуще Ма́терь Егó.

4. Стих: Имене ради Твоего потерпех Тя, Господи, потерпе душа моя в слово
Твое, / упова душа моя на Господа.

Ты пророков проповедание, / апостолов слава, и мучеников похвала, / и всех
земнородных обновление, / Дево Ма́ти Бóжия: / Тобо́ю бо Богу
примири́хомся. / Темже чтим Твое в храм Господень вхожде́ние, / и со
ангелом вси песенно, радуйся, Тебе Пречистая вопиём, // Твоими молитвами
спасаемии.

Ины стихиры, глас 4: Подобен: «Яко добля»:

5. Стих: От стражи утренния до нощи, от стражи утренния,/ да уповает Израиль на Господа.

6. Стих: Яко у Господа милость и многое у Него избавление:/ и Той избавит Израиля от всех беззаконий его.

Во святая святых, Святая и Непорóчная,/ Святым Духом вводится, и святым ангелом питаётся,/ сýщи святейший храм Святаго Бога нáшего,/ всяческая освятившаго вхóдом Ея,// и обожившаго естество земных попóлзшееся. **[Дважды.]**

7. Стих: Хвалите господа вси языцы,/ похвалите его вси людие.

Отроковицы радующеса, и свечи имúще,/ Свечи днесь предходят разумней:/ и ввóдят Сию во святáя святýх,/ священно проявляюще хотящую Зарю/ неизреченно из Нея возсияти,// и просветити во тьме седящая неведения, Дúхом.

8. Стих: Яко утвердися милость Его на нас,/ и истина Господня пребывает во век.

Веселяся прими Захáрие,/ возопи Анна всехвáльная,/ Юже проповедаша Божии пророцы Дúхом:/ и Сию введи во святой храм, священно воспитáтися,/ яко да будет Владыки всех Божéственный престóл,// и палата, и одр, и светозарное обíтелище.

Слава, и ныне, глас 8:

По рождестве Твоем, Богоневесто Владычице,/ пришла еси в храм Госпóдень/ воспитатися во святая святых, я́ко освящённа:/ тогда и Гавриил послан бысть к Тебе Всенепорóчной,/ пищу Тебé принося./ Небесная вся удивíшася,/ зряще Духа Святаго в Тя всельшася./ Темже Пречíстая и Несквёрная,/ Яже на небеси и на земли славима,// Мати Божия, спаси рóд наш.

Вход. Прокимен дне. Чтения 3.

Сподоби Господи

Сподоби, Гóсподи, в вéчер сéй без греха сохранíтся нáм./
Благословéн еси, Гóсподи, Боже отец нáших,/ и хвáльно и
прославлено имя Твое во вéки. Амíнь.

Бúди, Господи, милость Твоя на нас, якоже упováхом на Тя./
Благословен еси, Гóсподи, научи мя оправдáнием Твоím./
Благословéн еси, Влады́ко, вразуми мя оправдáнием Твоím./
Благословен еси, Святы́й, просвети мя оправдании Твоими.

Гóсподи, мíлость Твоя во век, дел руку Твоею не прéзри./ Тебе
подобает хвала, Тебе подобает пéние,/ Тебе слава подобает, Отцу и
Сыну и Святому Дúху, // ны́не и прíсно и во веки векóв, амíнь.

На литии стихиры, глас 1, самогласны. [Георгия Никомидийскаго]:

Да радуется днесь небо свѣше,/ и облацы веселие да кропят о зело преславных величиих Бога нашего:/ се бо дверь на востоки зрящая,/ рождшися от неплодове безплѣдныя по обетованію,/ и Бѣгу освящена бывши в жилище,/ днесь в храм яко непорочное приношение приводится,/ да радуется Давид, бряца в гусли:/ приведутся, рече, Царю девы в слѣд Ея,/ ближняя Ея приведутся,/ внутрь скинии Божия, внутрь очистилища Егѣ,/ воспитатися в жилище,/ прежде век от Отца нетлѣнно Рѣждшагося, // во спасение душ наших.

Глас 4:

Днесь Боговместимый храм Богородица,/ в храм Господень приводится,/ и Захариа Сію приѣмлет:/ днесь святая святых радуются,/ и ликъ ангельский таинственно торжествует,/ с нимиже и мы празднующе днесь, с Гавриѣлом возопіим:/ радуйся Благодатная, Господь с Тобѣю, // имей велию милость.

Приидите вси вѣрнии,/ Едину Непорочную восхвалим,/ от пророков проповѣданную,/ и в храм приведенную,/ прежде век пронареченную Матерь,/ и в последняя лета являшуюся Богородицу./ Господи, молитвами Ея мир Твѣй // подаждь нам и велию милость.

Слава, и ныне: глас 5.

[Леонта Маистра:] Возсия день радостен, и праздник всечѣстен:/ днесь бо Яже прежде рождества и по рождестве Дева пребывши,/ в храм Господень приводится и радуется/ Захариа старец, родитель Предтечев,/ и вопиет весело: приближися Предстательница скорбящих, в храм святый,/ яко святая, освятитися во обителище Всецаря./ Да веселится Иоаким праотец, и Анна да радуется,/ яко принесоша Богу яко трилетствующую Юницу непорочную Владычицу./ Матери срадуйтесь, девы възграйте,/ и неплоды сликовствуйте,/ яко отверзе нам Небесное Царство пронареченная Всецарица, // радуйтесь людіе, и веселитесь.